



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCII. ad annum CCCCXXX.

Parisiis, 1644

LXXIII. Vt pergentes ad comitatum, causam suam vel Carthaginensi, vel
Romano pontifici insinuare procient.

urn:nbn:de:hbz:466:1-14918

tempserint, ad pœnitentiam redigantur. In qua <sup>ANNO
CHIUSO
44</sup> causa legem imperialem petendam promulgari.

LXX.

Cod. Can.
cap. 103.

Placuit etiam hoc, vt preces quæ probatæ fuerint in Concilio, siue præfationes, siue commendationes, seu manus impositiones, ab omnibus celebrentur: nec aliæ omnino contra fidem profertantur, sed quæcumque cum prudentioribus fuerint collatæ, dicantur.

LXXI.

Placuit, vt
quicunque
ab. Et in
Concilio
Milieutano
cap. 19.
Cod. Can.
cap. 104.

Placuit, vt quicumque ab imperatore cognitionem iudiciorum publicorum petierit, honore proprio priuetur. Si autem episcopale iudicium ab imperatore postularit, nihil ei obsit.

LXXII.

Cod. Can.
cap. 105.

Quicumque autem non communicant in Africa, si in transmarinis ad communicandum obrepserint, iacturam clericatus excipient.

LXXIII.

Cod. Can.
cap. 106.

Placuit, vt quicumque ad comitatum ire voluerit, in formata, quæ ad vrbis Romæ ecclesiam mittitur, intimetur, vt inde etiam ad comitatum formatam accipiat. Quod si accipiens Romanam tantummodo formatam, & tacens necessitatem, qua ad comitatum illi pergendum est, voluerit etiam ad comitatum pergere, a communione remoueatur. Quod si ibi Romæ ei repentina necessitas orta fuerit ad comitatum pergendi, alleget apud episcopum vrbis Romæ ipsam necessitatem, & de hoc scripta eiusdem Romani episcopi perferrat. Formatæ autem quæ a primatibus, vel a qui-

ANNO CHRISTI
424. buscumque episcopis, clericis propriis dantur, ha-
beant diem Paschæ. Quod si adhuc eiusdem anni
Paschæ dies incertus est, ille præcedens adiungatur,
quomodo solet, Post consulatum, in publicis gestis
adscribi.

Placuit & illud, ut aduersus Donatistas & pag-
anos, vel eorum superstitiones, legati missi de hoc
glorioso Concilio, quidquid vtile peruerterint, a
gloriosissimis principibus impetrent.

Placuit etiam petitu omnium episcoporum, ut
epistolis omnibus de Cōcilio dandis, sanctitas tua
sola subscribat. Et subscriperunt: Aurelius episco-
pus Carthaginensis huic Decreto consensi, & præ-
leto subscripsi. Similiter & ceteri episcopi subscri-
pserunt.

CONCILIVM CONTRA PAGANOS
ET HÆRETICOS.

BASSO & Philippo viris clarissimis consulibus, XVI. Ka-
blendas Iulias, Carthagine in secretario basilicæ Restitu-
ta. In hoc Concilio legationem iterum suscepit Fortuna-
tianus episcopus contra paganos & hæreticos.

Harū dia-
rum Syno-
dorum cau-
sam & res
gestas, vi-
de supra in
notis Con-
cillii Africa-
ni V. & VI.
sub Inno-
centio, an-
no 408.

ITEM CONCILIVM CONTRA
PAGANOS ET HÆRETICOS.

BASSO & Philippo viris clarissimis consulibus, III. Idus
Octobris, Carthagine. In hoc Concilio suscepserunt le-
gationem Restitutus, & Florentius episcopi contra paga-
nos & hæreticos, eo tempore quo Seuerus & Macarius
occisi sunt. Et propter eorum causam Euodius & Thea-
sius & Victor episcopi cæsi sunt.